

# УДАРНИК

ВКП(б)-лэн М-Пурга Райкомез-  
лэн но Райисполкомлэн  
органы  
—(АДРЕС: М-Пурга УАССР)—

## РСФСР-лэн но УАССР-лэн Верховной Совет'ёсазы быр'ён'ёс понна избирательной участок'ёс образовать карон сярэсь

Мало-Пургинской районной Исполнительной Комитетлэн президиумезлэн  
1938 арын 9 мае постановлениез

„РСФСР-лэн Верховной Советаз быр'ён'ёс сярэсь Положилэн“ 25, 26, 27 статьясызлэн но „Удмуртской АССР-лэн Верховной Советаз быр'ён'ёс сярэсь Положилэн“ 25, 26, 27 статьясызлэн основанызы, РСФСР-лэн но Удмуртской АССР-лэн Верховной Совет'ёсазы быр'ён'ёс понна таңе избирательной участок'ёс образовать кароно:

**Удмуртской АССР-лэн Верховной Советаз быр'ён'ёс понна Мало Пургинской избирательной округ'я № 56**

**Мало-Пургинской** избирательной участок № 86—1 (центрез—с. М-Пурга, РДК-лэн помещениез).  
Малая-Пурга село.

**Миндеровской** избирательной участок № 87—2 (центрез—Миндерово гурт, колхозной конторалэн помещениез).

Гурт'ёс: Миндерово, Абдульменево, УАССР-лэн ШИК-езлэн дом отдыхаез но Заготскотлэн райконтораез.

**Яганской** избирательной участок № 88—3 (центрез—Яган поселок, клублэн помещениез).

Гурт'ёс: М-Бодья, Яган поселок, Успиян раз'езд, леспромхозлэн „Коплячка“ подучасткез но 9-тй километр.

**Б-Бигринской** избирательной участок № 89—4 (центрез—Б-Бигра гурт, начальной школалэн помещениез).

Гурт'ёс: Б-Бигра, Курегово, Орлово но железно-дорожной казарма.

**Кечурской** избирательной участок № 90—5 (центрез—Кечур гурт, начальной школалэн помещениез).

Гурт'ёс: Кечур, Кобылино, Игринское но Прокошево.

**Куртчумской** избирательной участок № 91—6 (центрез—К-Норья гурт, начальной школалэн помещениез).

Гурт'ёс: Куртчум-Норья, Кр. Столярово но Яганской леспромхозлэн Куртчумской лесопунктэз.

**Гожникской** избирательной участок № 92—7 (центрез—Гожня гурт, сельсоветлэн помещениез).

Гурт'ёс: Гожня, Комарово но Гожня раз'езд.

**А-Игринской** избирательной участок № 93—8 (центрез—А-Игра гурт, клублэн помещениез).

Гурт'ёс: А-Игра, Каймащур, Чурашур но Быково выселок.

**Удмуртской АССР-лэн Верховной Советаз быр'ён'ёс понна Ильинской избирательной округ'я № 57**

**Баженовской** избирательной участок № 94—1 (центрез—Баженово гурт, начальной школалэн помещениез).

Гурт'ёс: Баженово, М-Уча, Косоево, Пытсам, Лебедевка, Петровский выселок.

**Уромской** избирательной участок № 95—2 (центрез—Уром станция, клублэн помещениез).

Гурт'ёс: Бугрыш, Баднюк, Шамшур, Уром станция но Уромской совхоз.

**Ильинской** избирательной участок № 96—3 (центрез—Ильинск село, клублэн помещениез).

Гурт'ёс: Пестерово, Чекалкино, Ильинск село но Николаевской хутор.

**Н-Жиньинской** избирательной участок № 97—4 (центрез—Н-Жикья гурт, клублэн помещениез).

Гурт'ёс: Н-Жикья.

**А-Урдеской** избирательной участок № 98—5 (центрез—А-Урдес гурт, клублэн помещениез).

Гурт'ёс: А-Урдес, Арляново но Изонюк выселок.

**Ст. Моньинской** избирательной участок № 99—6 (центрез—Ст. Монья гурт, колхозной конторалэн помещениез).

Гурт'ёс: Ст. Монья, Итешеве, Быстрово но Покровской выселок.

**Кр. Бобьинской** избирательной участок № 100—7 (центрез—Кр. Бобья, клублэн помещениез).

Гурт'ёс: Кр. Бобья, Ст. Буро-Жикья, но Нов. Буро-Жикья.

**Удмуртской АССР-лэн Верховной Советаз быр'ён'ёс понна Аксакшурской избирательной округ'я № 54**

**Аксаншурской** избирательной участок № 101—1 (центрез—Аксакшур гурт, клублэн помещениез).

Гурт'ёс: Аксакшур.

**Кутер-Кутонской** избирательной участок № 102—2 (центрез—К-Кутон гурт, клублэн помещениез).

Гурт'ёс: К-Кутон, Байситово, Куюк, выселок'ёс: Веселово но Тимофеевка.

**С-Кечеvской** избирательной участок № 103—3 (центрез—С-Кечево гурт, НСШ-лэн помещениез).

Гурт'ёс: С-Кечево, Н-Кечево, Кечево станция но Заготзернолэн пунктэз.

**Яган-Докьянской** избирательной участок № 104—4 (центрез—Яган-Докья гурт, клублэн помещениез).

Гурт'ёс: Яган-Докья но Комсомольской совхоз.

**В-Кечевской** избирательной участок № 105—5 (центрез—В-Кечево гурт, начальной школалэн помещениез).

Гурт'ёс: В-Кечево, Вальен, Турбово, Лебедь, Гушино выселок.

**Удмуртской АССР-лэн Верховной Советаз быр'ён'ёс понна Бурановской избирательной округ'я № 55**

**Бурановской** избирательной участок № 106—1 (центрез—Бураново село, НСШ-лэн помещениез).

Гурт'ёс: Чутожмон, Бураново село, Егорово выселок, Елово, Ильинск, Чутожмонской кардон но Яганской ЛПХ-лэн Ижевской лесопунктэзлэн 167 №-ро баракез.

**Пуро-Можгинской** избирательной участок № 107—2 (центрез—П-Можга гурт, клублэн помещениез).

Гурт'ёс: П-Можга.

**Сундуновской** избирательной участок № 108—3 (центрез—Сундуково гурт, клублэн помещениез).

Гурт'ёс: Сундуково, Бодино-Можга, Чекашево, выселок'ёс—Выль-Пужмо но Октябрь, Комсовхозлэн 2-тй участкез но Сундуково раз'езд.

**Байкузинской** избирательной участок № 109—4 (центрез—Байкузино гурт, начальной школалэн помещениез).

Гурт'ёс: Байкузино, Никольское, Девятово, Коньки но Симанки.

**Козьмо-Демьянской** избирательной участок № 110—5 (центрез—село Козьмо-Демьянск, клублэн помещениез).

Гурт'ёс: Ожмос-Пурга, Жеребенки, М-Докья, К-Демьянск село, выселок'ёс—Удмурт Бисарки но Камышлово.

**Сапаровской** избирательной участок № 111—6 (центрез—Сапарово гурт, начальной школалэн помещениез).

Гурт'ёс: Сапарово, Б-Докья, Кетул.

**Валэктон:** избирательной участок'ёслэн номер'ёсыз:

Нырысетйез—РСФСР-лэн Верховной Советаз быр'ён'ёс'я.

Кыктэтйез—Удмуртской АССР-лэн Верховной Советаз быр'ён'ёс'я.

**Районной Исполнительной Комитетлэн председателез КАБАНОВ.**

**Районной Исполнительной Комитетлэн секретарез СЯКТЕРЕВ.**

## „Мон трудовой калыклэн пиез“...

1-тй Май нуналэ ми, Рабоче-Крестьянской Красной Армилен воин'ёсыз вань советской калыкен огазын асьмелэсь достижениеосмес, кужымес но Ленинлэн—Сталинлэн партизылы преданностьмес демонстрировать каримы.

Шулдыресь бам'ёсын горд'еслэн но гурт'еслэн урам'естызы шудо советской калык'ёс ортчизы. Вормонтэм Красной Армилен трос калыко радаз мон но мынй, чтобы вань калык азын боевой присяга принимать карыны.

**„Мон трудовой налыклэн пиез“...** Кыче искренно но гордо звучать каро та кыл'ёс.

„Советской Социалистической Республикаослэн Союззылэн гражданинэз“...—Кыче шудо, кыче шумпотон та высокой званиез нуллыны. Советской Союзлэн гражданинэзы луонлэсь, вылы шуд ёвл.

**„Ас вылам Рабоче-Крестьянской Красной Армилен воинэзлэсь нимэз принимать карисьно“...** Та званиен трудяшойёс буря пыр мыныса, секыт'ёсын пумиськылыса тушмон'ёсты вормызы, та званиен ик СССР вылэ лыктыны малпась, котыкыче тушмон'ёсты вормом.

Красноармеец П. М. ВДОВКИН.

Житомир город.

## „Шор муç“ колхозын

„Шор муç“ колхоз тысё валэс юосты кизёнэз 5 мае быдэстйэ. Етйн но турын кизён 9 мае быдэстэмын.

Али корнеплод кизён но картовка мерттон борды кутскиськом.

**РЫБАКОВ**

## Нормаэс мултэсэн быдэс'ясьёс

Кагановичлэн нимыныз нимам колхозысь Чекалов Павел нормаэз мултэсэн быд'эс'я. Со нуналлы быдэ 5-6 гектар культивировать к а р е. Белязев Алексей сеялкаен мукет'ёсыз но колхозник'ёс тросэз нормаэс мултэсэн быдэс'яло.

**Мишкин.**

## 29 гектар

культивировать кариз

„10 лет УАО“ совхозысь трактористка Даниярова Александра, одйг нуналэ, ас ужас с ю л м ы с ь ужаса 96 манет тыр ужас, 7,5 га интые 29 гектар культивировать кариз. Ваньмызы ик тракторист'ёслы но трактористкаослы Данияровалэсь примерзэ басьтыса ужано. Со аслаз картэныз Данияров эшен, куспазы социалистической договор гожтйзы, кажной нуналлы быдэ тупатэм, норма ез 200 процентлы быдэс'яны вылысь.

## САХАРОВЛЭН ОРЕКЧАСЬКЕМЕЗ ШАРЯЯСЬКИЗ

„Безбожник“ колхозлэн председателез Сахаров, „мынам лымы улэ 70 процентэз гыремын“—шуыса уш'яське вал. Сахаровлэн орекчаськемез шарьяськиз. Трактор'ёс гырыса но, гырон али но быдэстэмын ёвл на.

**П. Д.**

## ВАЛЭС ЮОСТЫ КИЗЕНЛЭН МЫ-КЭМЕЗ

(10-тй май азелы)

СЕЛЬСОВЕТ'ЭС	Киземын (процентэн)	со пбдын етйн (процентэн)
М-Пурга	77	48
Гожня	69	20
Кечур	86	40
Пытсам	76	27
Ильинск	67	30
Ст-Монья	94	71
Ср-Кечево	61	60
Аксакшур	70	50
Бураново	56	49
К-Демьян	62	32
Н-Буран	76	70
П-Можга	68	100
ВАНЬМЫЗ	71	49

# Колхоз'ёслэн отчетностьсы сярись

СССР-лэн Народной Комиссар'ёсызлэн Советсылэн  
постановлениез

СССР-лэн Народной Комиссар'ёсызлэн Советсы устанавливать каре, что СССР-лэн Наркомземныз но СССР-лэн Госпланэзлэн ЦУНХУ-эныз периодической колхозной отчетностьы 1937 арын тупатэм формаос чрезмерно раздуты каремын но бадзымь колхоз'ёс ар кустын 31 форма, куд-ог случайёс дыр'я нош 50 форма сведениос сётылоно луо вал, та формаосын трос сюрсэн цифровой показатель-ёсты заполнять кароно луэ вал. Та сведениос пöлысь бадзым частез копак мултэсэн, кулэтэмен луэ, колхозной отчетностьез сура но таин валче колхоз'ёсын кивалтон уж понна вредной луэ.

СССР-лэн Народной Комиссар'ёсызлэн Советсы постановлять каре:

1. СССР-лэн Наркомземныз но СССР-лэн Госпланэзлэн ЦУНХУ-эныз колхоз'ёслы 1937 арын тупатэм периодической отчетностьлэсь формаоссэ копак мыдлань луэ шуыса отменить кароно.

2. Колхоз'ёслэн периодической отчетностьсылы та же формаос устанавить кароно: 11 формаос—вань колхоз'ёс понна но 3 форма—дополнительной, хлопководческой но льноводческой район'ёс понна гинэ.

1 номеро форма. Коллективизацилэн мынэмез сярись отчет.

2 номеро форма. Тулыс кизёнлы дасясконлэн мынэмез сярись отчет.

3 номеро форма. Тулыс уж'ёслэн но яровой кизёнлэн мынэмзы сярись отчет.

4 номеро форма. Текушой арлэн урожаез улэ кизёнлэн итог'ёсыз сярись заключительной отчет.

5 номеро форма. Текушой арлэн урожаез улэ сортовой посев'ёс.

6 номеро форма. Пар гыронлэн, урисконлэн но турын октон-калтонлэн мынэмзы сярись отчет.

7 номеро форма. Няньёсты октон-калтонлэн, озимовойёсты кизёнлэн но зябь гыронлэн мынэмзы сярись отчет.

8 номеро форма. Зерновой но технической культураослэн но турын'ёслэн урожайзылы вид'ёс сярись отчет.

9 номеро форма. Зерновой но масличной культураосты кутсандэн мынэмез сярись отчет.

10 номеро форма. Вывыльэз освоить карон но возёсты но пастбищеосты умятон сярись отчет.

11 номеро форма. Колхозын пудо вордонлэн состояниез сярись отчет.

12 номеро форма. Тулыс но толалтэ но вазь тулыс уж'ёслэн мынэмзы сярись отчет.

13 номеро форма. Вегетационной полив'ёслэн, обработкэлэн но хлопкоз утылтон мукет уж'ёслэн мынэмзы сярись отчет.

14 номеро форма. Етйн-долгунез октон-калтонлэн но переработкэлэн мынэмез сярись отчет.

3. Вань организациосты колхоз'ёслэсь та постановлением предумотреть карымтэ кыче ке но отчетностьез курыны запретить кароно.

СССР-лэн Народной Комиссар'ёсызлэн Советсылэн председателез  
**В. Молотов.**

СССР-лэн СНК-эзлэн управделэз  
**Н. Петруничев.**

Москва, Кремль, 28 апреле 1938 арын.

## Мукет Союзной но Автономной Республикаосысь избирательёслы РСФСР-лэн Верховной Советаз быр'ён'ёсын голосовать карон право сётон сярись

ВЦИК-лэн президиумезлэн постановлениез

Всероссийской Центральной Исполнительной Комитетлэн президиумез пунктэ:

1. РСФСР-лэн Конституциезлэн 18 статьяезлэн основанииз, мукет Союзной но Автономной республикаосысь Верховной Совет'ёсы быр'ёнын „голосовать карыны право сётись удостоверение“ басьтэм избирательлы РСФСР-лэн территорияз лыктон дыр'я, личной удостоверениез но „голосовать карыны право сётись удостоверение“ пред'явить карыса РСФСР-лэн Верховной Советаз быр'ёнын голосовать карыны право сётоно.

2. Мукет Союзной но Автономной республикаосысь РСФСР-лэн территорияз кочевать карись избирательёслы соответствующой Союзной но Автономной республикаослэн ЦИК-сылэн президиум'ёссылэн разрешенизыя Союзной но Автономной республикаослэн избирательной округ'ёсазы пырись избирательной участок'ёс кылдытыны луэ, отын избирательёслэн лыдзы 25-лэсь кулэс медаз луы.

Всероссийской Центральной Исполнительной Комитетлэн председателез  
**М. Калинин.**  
Всероссийской Центральной Исполнительной Комитетлэн секретарез интые  
**ВЦИК-лэн президиумезлэн членез А. АРТЮХИНА.**

Москва, Кремль, 26 апрель 1938 ар.

## ХРОНИКА

Иностранной уж'я Народной Комиссар М. М. Литвинов эш Лига нацилэн майской сессияз участвовать карыны понна Женевае мыныны потйз. (ТАСС).

СССР-лэн Верховной Советэзлэн президиумез **С. Е. Скрынников** эшез Заготовкаос уж'я Народной Комиссарез юматйз.

СССР-лэн Совнаркомез **С. Е. Скрынников** эшез мукет уже потэменыз сэрэн СССР-лэн Пищевой промышленностезлэн Народной Комиссарезлэн заместителезлэсь обя-

занностьёсэ исполнять каронлэсь освободить кариз.

СССР-лэн Верховной Советэзлэн президиумез Заготовка уж'ёс'я Народной Комиссарлэн обязанностьызы М. В. Попов эшез, уженыз справитсь кариськыны быгатымтэсызы, ужысызы освободить кариз.

СССР-лэн Верховной Советэзлэн президиумез **А. Ф. Мерекалов** эшез Германияе СССР-лэн полномочной представителеныз назначить кариз.

## Вал'ёсты аслэсьтым синме кадь утылтисько

Мон старшой конюхын 5 толэзь гинэ ужасько али, дышетскеме бжыт, но мон вал'ёсты яратисько но самой главноез, обшой собраниен монэ та ответственной постэ быр'ёмен но 115 йыр вал'ёсты мыным доверить каремен дорожить карисько.

Мон ужаны пырыку вал'ёс урод упитанностен вал, фураж почти ой вал, нош милям, конюх'ёслэн сюлмаськеменызы вал'ёсты утылтон но сюдон ужез тупатйм. Али милям жуммем'ёсыз вал'ёсмы ёвёл, ваньмыз ик умой но средней упитанностен, сйес тырлык'ёс ваньмыз умоесь. Та вакыт вал'ёс кизёнын трос ужало ке но жуммылэм'ёсыз ёвёл.

Вал'ёсты умой упитанностен карыны, каждой валлы нимаз подходить карыса быгатимы. Кылсарысь, „Бубенчик“ одйг кадь сюдонэз уг яраты. Каждной ньыль нунал кустын сюдонэз пёртэм карытэк уг луы, озьытэк со урод сие но жуммыны но кутске.

Бусыын, шутэскон дыр'я вал'ёс сезыиен но кудйз пыжем нянен сюдысько, со понна каждой валлы торбочкаос тупатэмын. Озы сюдыса вал'ёс кизён дыр'я уг жуммо, куд-огез уката умой луо.

Али дас чуньюос вордскизы, соос ваньмыз чебересь, чыркнемесь, огез но ёз кулэ. 20-эз чунью ваёно вал'ёс вань на, ваньээ 30-ээ ик чуньюосты умой сюдо, утылто.

12 конематкаос али охотаын, со пöлысь 9 конематкаос отбить карызы ни. Вал'ёсты быззылытон планэз 100 процентлы быдэсто.

Милям кык конюх'ёс—нылкышноос. Соос умой сюлмаськыса ужало. Кылсарысь А. Т. Шаньгина конюхлэн ваньмыз вал'ёсыз умой упитанностен, со вал'ёсты регулярноно чистить карылэ. Озы ик Е. Акаева но сюлмысь ужа.

Туэ арын ваньээ поголовьяез утылтомы.

Кагановичлэн нимыныз нима колхозысь старшой конюх—  
**Козлов.**

## Партиялэсь но правитвльство лэсь директиваоссэ быдэс'яно

Партия но правительство пудо вордонэз азинтон ужлы бадзым вниманизэс вис'яло. Нош куд-ог колхоз'ёслэн председателёссы тае уг валало, пудо вордон ужез уг кивалто. Колхозной фермаос организовать каронэз куашкато, фермаос организовать каронэн государственной планлэсь палэнско.

Буденныйлэн нимыныз нима колхозын, колхозлэн председателезлэн Косоевлэн виноватэныз, кролик'ёслэн нырысь ваем пиосыз ваньмыз кулызы. Клеткаос 32 гинэ лэсьтэмын, нош ваньмыз 105 мында кулэ луоз. Клеткаос тырмыт лэсьтэмын ёз луэ ке, кыкетйзэ ваем пиосыз но кулылозы.

Кролик вордон уж мукет колхоз'ёсын но талэсь пёртэм ёвёл. „Красная Армия“ колхозын 18 гинэ клеткаос лэсьтэмын, соос но ёзтэк, маточник'ёс одйг но лэсьтымтэ. Кроликлэн гонэз (пух) урод, ву сюрись интыын утылтисько. Кролик'ёсты сюдыны нимаз юматэм мурт ёвёл.

Азинлэн нимыныз нима колхозын (председателез Кадырманов) клеткаос 60 интые 8 гинэ лэсьтэмын. Паркет'ёсты лэсьтон быдэс-

тымтэ на. Ильинской сельсоветысь „Красная звезда“ но Пытсамской сельсоветысь „Красная звезда“, „Красный факел“ колхоз'ёсын одйг клеткаос но лэсьтэмын ёвёл. Та куинь колхоз'ёслы сйзыл кролик'ёс ваемын луозы. Соосты принимать карыны дась луон понна, кулэ уж'ёсты али ик лэсьтоно.

„Каймашур“ колхозлэн кивалтисьёсыз кролик'ёсты вордонлэсь кулээ валазы. Фермалэн заведующийезлэн Я. М. Овчинниковлэн сюлмысь ужаменыз 25 маткалэсь 166 пиосыз утылтэмын. Самкаос ваньмыз ик кыкпол покрыть каремын ни, клеткаос тырмымон лэсьтэмын.

Кролик'ёсты вордыны выгодно. Соос номырин но облагаться уг карисько. Мясопоставка счэтэ вань пудоослэсь дуно приниматься карисько. Куосызлэн дуныз 7 манет 40 коп.

Кролик вордонэз азинтон уж борды умой-умой кутскыны, куд-ог колхоз'ёслэн кивалтисьёсызлэсь та ужын сабатажзэс чиктыны дыр вуэмын.

**Савельев.**

## Республиканской удмуртской театр М-Пургала лыктэ

15 мае М-Пургала, Ижысь республиканской удмуртской театр лыктэ. Театр 10 нунал татын улоз. Та дыр кустын, клубын „Груня Тарасова“—удмурт пьеса, „Ивашкина

Валя“—зуч пьеса, концерт но мукет'ёсыз возматэмын луозы. Билет'ёс профсоюзной организациослэн, учреждениослэн, колхоз'ёслэн но коллективной заявкаос'я, 9 майысен 15 маёзь вузасько.

## 15 мае районной партийной собрани луоз

Эскероно ужпум'ёс:

1. ВКП(б)-лэн Райкомезлэн отчетэз.
  2. Ревизионной комиссилэн отчетэз.
  3. ВКП(б)-лэсь Райкомзэ быр'ён.
  4. Ревизионной комиссия быр'ён.
  5. 17 областной партконференцие делегат'ёс быр'ён.
- ВКП(б) член'ёслы но кандидат'ёслы собрание одноик лыктоно.

ВКП(б)-лэн Райкомезлэн секретарез **Н. Иванов.**

Редактор—**ИВАНОВ Г. М.** Поттись—**РАЙИСПОЛКОМ**